

沁州復續志



沁州復續志卷之二



郡守固始吳承恩子復甫續修

職官

國家親民之官莫要於州縣上以宣

朝廷之德化下以達閭閻之微情其賢與否斯民之苦

樂繫焉我沁土瘠民貧催科撫字更賴父母斯民者

曲為調護茲修百餘年未續之書即照舊志守土之

臣分理之吏歷任齊登竊幸近之牧斯郡者遺跡具

在大抵仕學兼優恩威異用固各有所長也查考編

沁州復續志

卷二

職官

入亦舊志彰前勵後之義復志職官

州

知州

覺羅

喜崇福

鑲黃旗人進士乾隆三十六年任歷年雖久民猶稱之

恩福

正黃旗人監生乾隆四十四年任

鳴鐸

正白旗人官學生乾隆五十九年任

吳蔭暄

陽湖人進士乾隆五十九年任

劉徵泰

臨榆人進士嘉慶四年任

舒翰

正黃旗人舉人嘉慶六年任

喬維鏞 嵩縣人監生嘉慶十年任

盧裕驤 無為人廩生嘉慶十二年任

惠馨 正藍旗人監生嘉慶二十四年任見名宦

穆克德起 正黃旗人附貢生道光十六年任為政尚嚴盜賊解散

榮春 漢軍貢生道光二十五年任

潘遵顏 蘇州人貢生道光二十八年任

李廷樟 陸川人進士咸豐八年任見名宦

桂星 鑲黃旗人筆帖式同治元年任

李採丹 永城人廩貢生同治七年任不虐士民不畏強禦

王桂林 正藍旗人監生同治九年任嚴以馭下勤慎辦公

沁州復續志

卷二

職官

二

吳承恩 固始人欽賜舉人光緒三年任

吏目

程正岱 樂平人監生乾隆三十七年任

高崇雅 興平人監生乾隆四十一年任

陳瀛 大興人監生乾隆五十三年任

張克綸 華容人監生嘉慶十六年任

史積豫 大興人監生嘉慶十四年任

劉振璧 湖南人監生道光十三年任

涂鳳詔 新城人監生咸豐四年任

陸壽昌 大興人監生同治元年任

李振翼 大興人監生同治四年任

岑恩榮 山陰人監生光緒三年任

學正

何鰲 安邑人廩貢生乾隆四十五年任

周煥采 代州人舉人乾隆六十年任

康儒鉞 交城人廩貢生嘉慶八年任

鄭泰華 和順人舉人嘉慶十七年任

張澄 陽曲人舉人嘉慶二十一年任

沁州復續志 卷二

職官

三

遠映堂 壽陽人舉人道光十一年任

宋亨泰 崞縣人舉人道光二十八年任

梁樹勳 介休人舉人咸豐五年任

衛河陽 陽城人舉人咸豐九年任

董贊襄 霍州人舉人同治八年任

營千總

李惺 乾隆四十七年任

張志坦 乾隆五十七年任

賁麟 臨汾人行伍嘉慶五年任

張國鈞

朔州人武舉嘉慶二十五年任

王喜

陽曲人行伍道光六年任

王化成

祁縣人武舉道光九年任

王恩澤

浮山人世襲道光二十三年任

劉文華

陽曲人世襲道光二十五年任

崔從鵬

趙城人武舉道光二十八年任

崔懷本

永甯人武舉咸豐九年任

樊殿魁

汾陽人武進士光緒四年任

沁州復續志

卷二

職官

四

武鄉縣

知縣

嚴謙

烏程人進士乾隆五十九年任

吳邦治

固始人進士嘉慶二年任

恒齡

漢軍正藍旗人舉人嘉慶四年任

鄧方城

閩縣人進士嘉慶十年任

王藩

後改名崧浪穹人進士嘉慶十二年任

呂錫齡

新安人貢生嘉慶二十年任

馬步鑾

金州人進士道光三年任

沁州復續志

卷二

職官

五

岳維城

中江人由庶常改官道光六年任

丁公路

甯鄉人進士道光十一年任

湯若泌

睢州人舉人道光十三年任

劉光楓

侯官人舉人道光十六年任

劉熙敬

星子人進士道光三十年任

梁大鵬

鹿邑人舉人咸豐三年任

郭錦城

湘潭人舉人同治三年任

蘇毓元

晉甯人進士同治六年任

唐思鉉

山陰人監生同治七年任

張輔

大興人監生同治九年任

劉崇禮

朝邑人監生同治十一年任

吳匡

烏程人監生光緒二年任

教諭

孟宗泗

平定州人舉人嘉慶十年任

米豐年

平遙人拔貢道光四年任

鄭康

文水人副榜道光十一年任

趙棟一

聞喜人廩貢道光十六年任

潘宋海

榮河人舉人道光二十一年任

沁州復續志

卷二

職官

六

曹敏植

太平人附貢道光二十六年任

張俊

榆次人副榜咸豐二年任

元克明

馬邑人拔貢咸豐五年任

鈕增珪

壽陽人舉人咸豐十年任

典史

戴尙忠

宛平人未入流嘉慶十年任

張鳳翔

丹徒人吏員嘉慶十八年任

徐良玉

潛山人監生嘉慶二十年任

陳企賢

山陰人未入流道光七年任

姜融 武進人未入流道光十一年任

黃圻 武進人監生道光二十三年任

魯炳 宛平人浙江籍未入流道光二十五年任

王鳴岐 通州人浙江籍未入流同治六年任

姚宇濬 涿州人監生同治九年任

權店營把總

靳大忠 陽曲人乾隆五十六年任

韓昇 右玉人嘉慶七年任

趙萬選 陽曲人道光二年任

沁州復續志

卷二

職官

七

王長春 臨汾人道光十一年任

張國仁 陽曲人咸豐三年任

暢珠 臨汾人同治六年任

城守司外委把總

于耀 臨汾人嘉慶十三年任

王金聲 臨汾人道光十二年任

喬福 陽曲人道光 年任

許得勝 趙城人咸豐元年任

鄭祿 臨汾人咸豐六年任



杜永勝

洪洞人同治十一年任

沁州復續志

卷二

職官

八

選舉

國朝取士之途甚廣我州人材之出尤盛仕宦之顯者已至臺閣次則列成均登賢書提南宮遊翰苑科第綿綿前志均已詳載然此特侈談前事耳迄今科甲雖亦有之而較前十不及一出仕者更屬寥寥是果文運有盛衰科名有隆替歟夫十室之邑必有忠信有志者事竟成天地生材何時蔑有顧自勉何如耳續而志之以勵後之學者復志選舉

州

沁州復續志

卷二

選舉

九

恩賜

宋守祀 字敬齋乾隆五十八年 賜翰林院檢討銜

葛培初 字 乾隆六十年 賜翰林院檢討銜 詩見藝文

制科

吳 沆 孝廉方正

進士

辛酉科 嘉慶六年

衛邦彥 字

乙丑科 嘉慶十年

吳沈字

慶元知縣

舉人

甲午科

乾隆三十九年

王元德

字

丁酉科

乾隆四十二年

弓孟乙

字

庚子科

乾隆四十五年

衛汝鵬

字海峰江西新昌縣宜黃縣知縣

丙午科

乾隆五十一年

沁州復續志

卷二

選舉

十

王先中

字

己酉科

乾隆五十四年

衛邦彥

見進士

郝桂芳

字燕五號南屏

臨縣教諭

杜其秀

字君實懷仁訓導

裴紳之

字號午橋

批驗所大使

辛酉科

嘉慶六年

衛之瑗

字

戊辰科

嘉慶十三年

溫希嶠 字

蒲縣訓導

衛鴻奇 字

辛巳科 道光元年

郭維垣 字

丁酉科 道光十七年

吳元慶 字祝三

時際寅 字 解州學正

癸酉科 同治十二年

霍嵐新 字曉峰現任靈石訓導

沁州復續志 卷二 選舉

十一

恩貢

裴世輝 乾隆三十七年 襄垣縣教諭

裴邵長 乾隆五十年貢

衛秉經

宋游

李奇與 乾隆五十年貢

李君梅 嘉慶四年貢

張興賢 字容衆候 選教諭

衛綱

衛介石 嘉慶十四年貢

張龍光

王汝礪 嘉慶二十五年 貢見人物

秦士楷

牛皖

郭希隗 道光十四年貢

張毓奇 道光二十六年 貢

邵藩周 咸豐元年貢

李顯彰 咸豐四年貢

李青 咸豐四年貢

曹晉 字允升咸豐六年貢生見文苑

王品山 咸豐九年貢

霍光遠 同治元年貢

衛克 同治五年貢

王向離 同治十一年貢

王業 光緒元年貢

拔貢

郝桂芳 見舉人

吳沈 見進士

衛汝駿 字程千號冀北

王省山 崑山知縣見文苑

王文山 見人物

李暢

霍嵐新 見舉人

安擴

沁州復續志

卷二

選舉

十三

霍蔭松

副貢

楊紹祖 花縣知縣

張象岑

劉嘉光

王對 字雲壑道光丙午科

駢沁 號月川辛亥科署甯武府教授

歲貢

李元亨 陽曲訓導

王真孝

韓鼎冕 太谷訓導

衛家邦

秦繼周 乾隆四十二年貢

張文元

楊士龍

宋守宗

張友朱 乾隆四十八年貢

姚炳

裴郎長 乾隆五十五年貢

高善裕

連爾揚 定襄訓導

程品

弓孟甲

李光第

安一德 嘉慶五年貢

李兆芳

秦友虞

程遠

程模 嘉慶十六年貢

沁州復續志

卷二

選舉

志

張友燕 嘉慶七年貢

程喬岳 嘉慶十年貢

黃耀金 嘉慶十二年貢

張冲霄 嘉慶十四年貢

楊元福 嘉慶十五年貢

弓季和 嘉慶十六年貢

裴克勝 嘉慶十九年貢

張肯堂

李暄枝

裴藻 嘉慶二十一年貢

王藍 嘉慶二十二年貢 貢見人物

黃桂 道光元年貢

秦士楷 道光二年貢

武奮揚 道光二年貢

姚世榮 道光三年貢

桂馨山 道光四年貢

郭翰邦 道光五年貢

李方鮑 道光六年貢

李芝香 道光八年貢

衛憲東 道光九年貢

吳震南 道光十一年貢

張駿 道光十二年貢

張文耀 道光十六年貢

裴沁

李光縉 道光十七年貢

溫宗海 道光十九年貢

張大經 道光十九年貢

霍其峻 道光二十年貢

郝孔揚 字我朱

牛青選 道光二十三年貢

衛玉峰 道光二十七年貢

王玉魁 道光二十七年貢

安昶

張鑠 字在鏞

郭明威 咸豐元年貢

沁州復續志

卷二

選舉

古

衛弼廷 咸豐四年貢

李希禹 咸豐四年貢

霍增耀 咸豐六年貢

衛彬 字杉橋咸豐六年貢

劉漢齋 咸豐八年貢

白玉峰 咸豐十一年貢

吳元良 同治元年貢字邦貞號康齋

王象晉 同治元年貢

衛子良 同治四年貢號紹留訓導銜

李觀光 同治五年貢

衛載 同治七年貢

楊杲 字曉亭同治七年貢

楊標 同治十年貢

衛際唐 同治十二年貢

劉錫嘏 同治十三年貢

霍士純 光緒元年貢

王益 光緒三年貢

王夢杞

例貢

李三傑 附生

李作麟

郭叙典

衛邦基 附生

裴 杲 廩生

牛一峒 廩生

楊 杰 廩生

孫廷相 附生

李邦達 附生

孫 銘

王世魁

李煥光

傅作楫

白夢庚

郝廷儀

駢時若 字調元 附生

沁州復續志

卷二

選舉

圭

潘 瑞

郭煥都

駢時雨 布經歷銜

裴 昶 附生

牛上達 附生

牛顯達 附生

李邦達

程嵩岳

劉兆芳

宋衍湯

王文一

駢廣文 州同銜

焦守身

駢雄文

李 寬

田清彥

李光斗

郭震華 附生



吳 邴 廩生候選教諭

駢 超 附生候銓訓導

閻 騫 字秀宇廩生候銓訓導

田景和

駢 秀文 字晉卿附生

楊白全

李世

職員

張鍾海 附生通判銜

郭礪山 通判銜

裴 照 州同銜

孫廷英 布經歷銜

孫占鰲 布理問銜

孫廷樟 州同銜

張鍾沂 嘉慶八年議叙八品

楊 俊 從九

沁州復續志 卷二 選舉

共

王守先 州同銜

駢時彥 州同銜

張勇魁 布經歷銜

王廷佐 布理問銜

駢爾驩 字世希州同加二級銜

李燦英 鹽知事鄉飲大賓

郭騰蛟 州同加二級銜

郭起鳳 翰林院待詔銜

周明達 附生直隸州州判分發陝西試用

王 嵩 布理問銜

駢繩其 國子監典籍銜

周道隆 布理問銜

傅作相 國子監典籍銜

郭成都 國子監典籍銜

駢 洪

駢 濬

楊凌漢 以上三人俱未入流

白樹旗

史正典

傅 銓 以上三人俱府知事銜

石觀光

李升堂

趙金臺

陳茂隆

白采

王國鈞

李廉善

傅 昌

劉 鐸

王 嶷

張之奇

李廉能

桂 秀

王培文

以上十四人俱八品

程憲伊

桂 青

沁州復續志

卷二

選舉

七

李作棟

桂月元

郭增耀

郝毓英

陳守業

秦永昇

王國寶

王思慶

王西成

張 慧

張樹榛

周安良

程煜漢

李毓榮

王相明

郭肇元

王善祥

霍蔭棻

戴學勤

張謹仁

蔣瑛

郭樹森

郭春魁

范恒魁

王定一

王敬籍

宋繼湯

白夢熊

劉維垣

李映堂

周道一

劉運鴻

馮占魁

王紹先

任承重

曹會元

沁州復續志

卷二

選舉

衛德懷

鄭觀光

王廷杰

張澍

李邦英

邊明道

郝鳴崗

張震北

李豔斗

郝興德

劉武

閻宿牛

王廷琦

劉佐濤

劉九成

王佶

劉廷秀

以上五十五人  
俱從九

王家望

牛太和

李如錦

吳瑤臺

任謙

以上五人俱賚奏官

杜晚

王倬

以上二人俱屯官

姚隆基

王儀

張翽

楊時中

王錦榮

以上五人俱伴官

王興魁

劉天保

王錦昇

楊錫文

楊春選

楊毓秀

史秉鉞

沁州復續志

卷二

選舉

九

史秉鑑

史秉鈺

武春元

霍嶧

杜暢

王守朴

杜辰

王正倫

王巖

以上十六人俱全文閣典籍

吳鑾

字仲金從九

閻光宗

閻昌業

常恂

崔瓊璠

連映斗

林鷹揚

連映昌

曹子俊

以上八人俱吏員

武進士

甲戌科 同治十三年

邵德魁

字蓋臣號連瑞  
直隸保定府左營都司銜候補守備

武舉

甲午科 乾隆三十九年

劉永昇

癸酉科 乾隆四十八年

李致中

丙午科 乾隆五十一年

沁州復續志

卷二

選舉

三

白祖乙

甲子科 嘉慶九年

弓元益

庚午科 嘉慶十五年

郝廷佐

甲辰科 道光二十四年

秦學魁

見忠烈

辛亥 恩科 咸豐元年

張綸

癸酉科 同治十二年

邵德魁 見進士

武職

牛和

駢時豐

劉天元

常占鰲

郭思賢

白秀

劉中鑑

魏楠

安興旺

閻煥 以上十人俱千總銜

閻錦

史秉鈞

沁州復續志 卷二 選舉

三

曹占元 以上三人俱守禦所千總銜

駢爾駿 武生運糧河守備 籤掣河南

曹玉璽 都司銜

李春耀 軍功九品

傅喆 把總

王士垣 議叙六品

李鳳鳴 議叙千總

助賑議叙人員

駢尙文 翰林院待詔

郭維屏 縣丞

任承重 府知事

安乾 貢生

李震華 州吏目

王丕功 貢生

郭端蘭 州吏目

樊善普 述

張峻

張天一

郭瑾

馮慶魁

馮恩顏

馮思永

劉錫恩

王寶庫

李生花

崔長遠

王士魁

王佐

衛錦

王炯

李春和

張錦堂

駢如樟

李富春

沁州復續志

卷二

選舉

三

馬立冬

李岳

何近仁

張思義

秦秀士

崔漢

霍毓蘭

石靖

苗萬有

吳森山

段體金

郭俊

武成元

張槐

王兆熊

張絢

崔長久

劉寬

劉永清

劉肇業

郭均

郭衛城

吳相清

柳世馨

郝昌智

孫勤

牛源泉

張合興

姚永隆

張鴻遠

常譚

李炳文

牛鐸

王德廣

閻煥文

崔輔相

沁州復續志

卷二

選舉

三

杜成寬

曹森林

趙桂森

張萬銀

劉守愚

董學仁

常學易

侯國安

劉聿修

郝綬

申世富

郭正倫

楊三明

戴英

戴勇

王嗣山

樊裕後

牛天成



王燭

王偉

王煥

衛承乾

牛桃林

邱如江

張映斗

張永

張旬

魏士元

以上八十三人俱未入流

郭權

貢生

張齊悅

貢生

申應岳

戴樂

馮德林

楊不業

郝玉田

郭萬傑

沁州復續志

卷二

選舉

三

郭桐

高殿棟

郭拱垣

喬登瀛

王雋

李冠威

高履泰

高執義

高錫武

高士勳

高錫爵

高執禮

喬登嶽

以上俱祁縣人

劉蘭臺

平遙人

梁丕榮

平遙人

秦純智

介休人

白生璧

太谷人

宋存誠

汾州人 以上二十五人俱商賈素人

武鄉縣

制科

范士熊 孝廉方正

進士

巳未科 嘉慶四年

李端 字凝度 詳人物 翰林院編修

辛酉 恩科 嘉慶六年

魏鳳書 字炳廷 平陽潞安兩府教授

乙巳 恩科 道光二十五年

沁州復續志 卷二 選舉

李重華 字伯香 新城知縣 詳文苑

舉人

壬子科 乾隆五十七年

魏大賁 字文正

郝廷棟 字柱臣 見人物

乙卯科 乾隆六十年

魏鳳書 字炳廷 見進士

辛酉科 嘉慶六年

魏教 字化成

戊寅 恩科 嘉慶二十三年

魏懸書 字雲榜曲沃教諭見忠烈

巳卯科 嘉慶二十四年

趙昌祚 字錫哉陽曲教諭見人物

壬辰 恩科 道光十二年

魏守經 字亦權見文苑

巳亥科 道光十九年

李重華 字伯香見進士

魏獻書 字俊三

沁州復續志 卷二 選舉

趙昌窩 字德甫

甲辰 恩科 道光二十四年

籍文學 字魯風 欽加知州銜任太谷訓導

辛亥 恩科 咸豐元年

魏高陽 字慕愷芮城教諭

乙卯科 咸豐五年

史 紀 字廷右現任馬邑鄉訓導

丁卯科 同治六年

李秀良 字仲房

武進士

庚申 恩科 咸豐十一年補行

郝智芳

武舉

辛酉科 嘉慶六年

張際昇

甲子科 嘉慶九年

郝向北

庚午科 嘉慶十五年

沁州復續志

卷二

選舉

二十六

李攀龍

戊子科 道光八年

魏鴻舉

甲辰 恩科 道光二十四年

李在龍

戊午科 咸豐八年

魏錦涵

郝映庚

己未 恩科

郝智芳 見進士

趙 瑚

郝蘭芳

辛酉科 咸豐十一年

王耀義

郝 銘

丁卯科 同治六年

武殿魁

郝世隆

沁州復續志

卷三

選舉

二十七

癸酉科 同治十二年

郝夢麟

乙亥 恩科 光緒元年

郝 隆

丙子科 光緒二年

李 浴

封贈

顯親揚名孝之大者

國家封典之設所以光昭前人之令德示後世以木末  
水源之不可一日忘也我沁紘誦成風人材輩出封  
贈之錫前代固多近亦不乏至於遵例急公博一封  
典以光泉壤亦人子無不盡之誠心但代遠年湮碍  
難遍稽祇就耳目所及者略為添叙焉復志封贈

州

吳嘉炎

勅授文林郎

誥授奉直大夫

沁州復續志

卷二

封贈

天

崔氏

嘉炎妻

誥封宜人

楊氏

嘉炎妻

誥封宜人

李洪寬

松歲父

馳贈修職郎

賈氏

松歲前母

馳贈八品孺人

魏氏

松歲母

馳贈八品孺人

李松歲

代州學正

敕授修職郎

裴氏

松歲妻

誥封孺人

駢學古

時雨父

誥贈儒林郎

李氏

時雨母

誥贈安人

駢時雨 布政司經歷銜 誥授儒林郎

張氏 時雨妻 誥贈安人

李氏 時雨妻 誥贈安人

吳沈 勅授文林郎 誥封承德郎

康氏 沈妻 勅封孺人 誥封安人

黨氏 沈妻 勅封孺人 誥封安人

吳嵩 瑤台生父 誥封承德郎

徐氏 瑤台生母 誥封安人

駢時若 爾驥父 誥贈奉直大夫

沁州復續志

卷二

封贈

三

王氏 爾驥前母 誥封宜人

張氏 爾驥生母 誥封宜人

王氏 爾驥繼母 誥封宜人

駢爾駿 爾驥兄 勅封奉直大夫

郝氏 爾驥嫂 誥封宜人

駢爾驥 州同加二級 誥授奉直大夫

王氏 爾驥妻 誥封宜人

王遇隆 省山祖父 勅授文林郎 例贈奉政大夫

霍氏 省山祖母 勅贈孺人

王益 省山父 勅贈文林郎

宋氏 省山母 勅贈孺人

王藍 省山生父歲貢生 勅封修職郎例贈奉政大夫

曹氏 省山生母 勅贈孺人

王省山 勅授文林郎江蘇崑山縣知縣

霍氏 省山妻 勅封孺人

楊奇景 杰父州同加二級銜 誥授奉直大夫

霍氏 杰母 誥封宜人

毛氏 杰繼母 誥封宜人

楊杰 州同加二級銜 誥授奉直大夫

沁州復續志 卷二 封贈

衛氏 杰妻 誥封宜人

郭希象 礪山祖父 勅贈奉直大夫

安氏 礪山祖母 勅贈宜人

郭興都 礪山父 誥授奉直大夫通判加二級銜

衛氏 礪山生母 誥贈宜人

杜氏 礪山繼母 誥封宜人

郭礪山 通判加二級 誥封奉直大夫

駢氏 礪山妻 誥封宜人

郭煥都 騰蛟祖父 勅贈資政大夫



牛氏 騰蛟祖母 馳贈夫人

安氏 騰蛟祖母 馳贈夫人

郭芝蘭 騰蛟父 馳贈資政大夫

張氏 騰蛟母 馳贈夫人

郭騰蛟 誥授資政大夫

劉氏 騰蛟妻 誥贈夫人

李氏 騰蛟妻 誥贈夫人

郝國彥 桂芳父 誥贈修職郎

楊氏 桂芳母 誥贈孺人

沁州復續志 卷二 封贈 三

郝桂芳 臨縣教諭 勅授修職郎

張氏 桂芳妻 誥贈孺人

魏氏 桂芳繼妻 誥贈孺人

王氏 桂芳繼妻 誥贈孺人

白成謨 秀祖父 馳贈武略騎尉

李氏 秀祖母 馳贈安人

白光榮 秀父 勅贈武略騎尉

李氏 秀前母 誥贈安人

趙氏 秀母 誥贈安人

白秀 干總銜 勅授武略騎尉

楊氏 秀妻 誥封安人

張鍾海 同知銜 誥授奉政大夫

章氏 鍾海妻 誥贈宜人

韓氏 鍾海妻 誥封宜人

杜文郁 其秀父 勅封修職郎

張氏 其秀母 勅封孺人

沁州復續志

卷二

封贈

三

名宦

名宦之稱列在祀典非尋常祿仕可比舊志云未經  
論定弗敢濫登我輩身在子民之列一旦操筆豈敢  
曰某也稱某也不稱輕爲軒輊哉惟是百餘年來賢  
牧接踵而時過境遷泯沒不聞豈皆失於記載耶抑  
安靜之吏惻惻無華後人無得而稱述耶若流風未  
遠遺澤猶存其人雖往而至今民不能忘者則必謹  
志焉復志名宦

州

沁州復續志

卷二

名宦

三

惠馨號怡園長白正藍旗人道光元年任賦性仁慈  
持躬清儉又得輔佐賢明相與贊理故能知民隱  
而不爲僕隸所蔽公在任最久稔知沁俗儉樸又  
時值昇平欲與民相安於無事有以典地加糧訟  
人者公訊之曰先得其大價後加以重糧爾得矣  
其如與主何此風一唱人有緩急誰復肯貸以一  
錢是絕周轉之路也爾欲加糧言以半價歸與主  
其人慚而去有假賭博訟人者公責之曰他人之  
博不博未可知爾真博徒也不責爾何以息賭風

其人被責而去俱不傳被告由是而健訟之風息  
沁州路屬通衢過往差務多需牲畜蠹役恆假以  
漁利公知其弊自買驃馬備用不復累養牲之家  
由是而索詐之風息公於時文頗不留意遇小試  
訛言頻起其弟秀堃顯宦也甚有文名屢主鄉會  
兩試適路出於沁公留之使觀風凡列前茅者小  
試時恆依其所取次第以定甲乙由是而招搖之  
風息十餘年間不煩不簡不剛不柔民不擾而  
事畢舉咸稱之曰老家長蓋尊親之至也去之日

沁州復續志

卷二

名宦

三

士民攀留脫其靴以懸南北門標曰德政常留並  
祀木主於

俞公祠內

李廷樟字

號

係廣西鬱林州陸川縣人由增生

中式道光丁酉科本省鄉試舉人戊午科會試成  
進士以知縣即用籤掣山東歷任禹城掖縣因清  
查案內錢糧無虧賞加四品頂戴以直隸州遇缺  
即行陞補道光二十九年九月奉文實授廣東羅  
定直隸州知州旋丁內艱回籍守制咸豐元年在

籍奉委摠辦鬱林五屬聯團剿匪出力復因督團  
擒獲廣東高州廉州等處匪首蒙兩廣督撫保奏  
奉

旨加知府銜旋即選授沁州實任下車伊始即以體恤  
羣黎爲首務仁慈徧覆時值久旱州西鄉伏牛山  
護國顯濟王龍泉神祠在焉距城四十里公齋戒五  
日步行詣山竭誠拜禱回署即甘霖傾注是秋賴  
以豐收在任僅二年而善政纍纍不可勝舉大約  
以身化民不尙刑憲黎民亦隨感而應重孝弟則

沁州復續志

卷二

名宦

三五

忤逆之風息平訟獄則刁健之氣消敦禮讓則盜  
賊歛跡遠避所以境靜民安無何調任絳州旋陞  
平陽知府終於湖南按察去沁之日州民遮道泣  
留不忍遽別脫靴掛城門以永記不忘與惠公怡  
園後先媲美云

人物

士生草莽而置身通顯拔俗超羣有不可一世之概均謂之人物踪跡生平博採輿論有長於義氣者有長於經濟者更有長於節操品端學粹者一時聲名赫赫在人耳目其卓越可傳固不僅前代爲然也雖百餘年未經表彰而梗概素著較之別端易爲採訪豈得以年深日久而遂湮沒無聞哉復志人物

吳嘉炎字亨仲一字靜夫大學士文端公璵之曾孫康熙甲戌進士時謙孫雍正癸丑進士正之子也

沁州復續志

卷二

人物

三

五歲喪母庶母衛氏鞠育之凝重不事嬉遊授經書一過成誦十歲爲文卽有奇句十七歲冠童子軍次年復以第一食餼壬申春舉於鄉甲戌舉明通庚辰捷南宮

殿試

賜三甲進士以知縣需次於家甲申丁外艱毀幾滅燼事庶母益順以恭庚寅春選授廣東潮州府普寧縣知縣普寧鄰接三陽繁劇難治前令以降調去官百事廢弛案牘塵積公至悉剖決之夙弊頓清

前袁令任時有斃人投廁而匿者株及數家累月不能斷公捕得之坐以法無辜得釋公御胥吏極嚴至臨民折獄雖遇狡囚未嘗遽施刑虛衷研鞫俾無隱遁遇有疑獄不得其情終夜爲之不寢其恤刑有如此者邑賦重逋負益多公革浮取之弊輸納者惟恐後居恆以儉養廉衣冠樸素非垢敝不製同僚或笑之弗顧也其狷潔有如此者嘗多盜公倣古保甲法設練總都長互相稽察民皆安堵觀察使善之下其法於他邑揭揚民馬阿九糾

沁州復續志

卷二

人物

三

衆結盟邑民張振旭陳阿皆與黨焉公擒得之解於揭揭令弗信公不得已馳稟制使幕友有以通詳爭者公曰若爾則道府揭令皆獲罪矣且不忍以民命遷吾官未幾制軍臬司至揭案驗承審者皆以邪教論將起大獄公反覆推勘乃鄉愚被惑祇治爲首者數人全活以千計後道出揭揚歡迎而尸祝者皆以更生爲頌其禁暴息邪而歸於平恕有如此者甲午同考官所取皆粵東名士是年冬總制李公中丞德公會銜以儋州題請奉

旨送部引

見解任之日士民追送至境如失慈母乙未入

覲蒙

恩准陞儋州知州十二月渡海履任儋耳僻在海外風俗  
純樸其有竄入爲民蠹者皆海北人公甫下車卽  
廉得遞還鄉里廉人權子母錢於儋愚民重息以  
貸至不能償償以田宅田宅盡償及妻子公革其  
害州人賴之儋有黎人二種伏處山窟峒長皆吏  
胥爲之及奸商流棍冒差需索黎人隱忍受制憤

沁州復續志

卷二

人物

三

極則以死報之往往橫相殺戮焚燒村墟動輒益  
萬公洞悉其情肩輿行叢篁疊箐中數日乃至問  
其疾苦諭以威德諸黎皆感泣受命擇役中謹愼  
者爲之長不使有所欺陵常誦文端公訓曰地有  
遠邇俗有純澆然愛財惜命人情則一作吏者能  
體此意庶幾無負於民耳山多大木歲取以供戰  
舸公親封驗敷用卽止其他糖商船夫蛋戶椰香  
諸弊悉革不用歲值大稜速稟上憲開倉賑卹復  
告糴於鄰民賴以濟地與交趾比壤蠻夷雜處鎮



兵恃力橫行有奪民田而斷民臂者其人忍死不  
敢鳴諸官公訪得其狀以法治之無敢倚勢作威  
者孔廟歲久頽敝公捐俸修理堅整倍於曩時郡  
即古昌化軍地自蘇文忠安置其間文運始開士  
書而苦無師承公敦請黃進士河清掌教東  
坡書院給膏火厚獎賞舉月課法暇則親詣其地  
與諸生講論來學者至座不能容儋俗以應試爲  
榮戶有一人則悉免徭役故卷至數千公校童子  
試杜弊端拔真才必十覆之而後定學使李公卽

沁州復續志

卷二

人物

三

甲午主考素悉儋牧者曰吳公所取自皆雋卷前  
列悉取入泮一時稱盛事云儋距京師且萬里應  
試者艱於費蓋寥寥焉公捐金五百爲紳士倡共  
得銀若干擇鄉先生之端方者董其事公車北上  
按人數之多寡以歲息贈之儋之文風日上士得  
聯翩取科第者公之力也缺係煙瘴例五年得遷  
公歷俸將滿而以宰普時屢辦大案血枯健忘又  
久處海外染瘴氣已亥春詳請解任調理大憲專

摺奏

恩俞允其夏得替當道俱爲悵悵方岳姚公札致公曰瓊臺少一賢刺史矣蓋深惜之也儋民間之踵門填巷攀送日數十百人及啟行奉香蹕路隅者持觴上壽者叩頭流涕咽不能出聲者數萬觀者咸嘖嘖嘆羨庚子夏旋籍行橐蕭然僅足償債公之服官大畧如此至於敦睦任恤內行極純備焉憐孤敬老贍族睦宗整理祠事佑啟後人詩辭工雅學問淵沉尤卓卓出人意表自州牧及里居之士大

沁州復續志

卷二 人物

甲

夫感乞其詩文以爲重居恆坐卧一小齋常手一編雜誦丙午以後目力漸衰然無一日廢書蓋所性然也享年六十有二子沆嘉慶乙丑進士慶元

縣知縣

裴元長字體仁號沁川汾西訓導成章公子生而凝重孩提時卽不苟言笑甫受書能通大義十餘歲爲文有古大家風及成童以立德立言自命深有所得於聖賢思誠之學不斤斤以文藝見長年二十歲試冠一軍督學蘇公以國士目之未幾母楊孺

人歿哀毀骨立瀕危者數及成章公再三開譬乃強自節哀少進飲食服闋後旋以第一食餼肄業三立書院受知於冀甯道素堂黃先生每一脫藁爭相傳誦先生嘗曰若體仁者吾不當以門下士待之其爲一時名卿大人所推重如此壬申舉於鄉庚辰公車北上試甫畢驟聞成章公疾作速旋里沁郡至都千五百里有餘公早夜兼程以七日抵家於是左右扶持畧不知倦凡飲食起居承顏順志目不交睫者四閱月而成章公捐館舍哀毀

沁州復續志

卷二

人物

聖

亦如楊孺人卽世時治喪不隨流俗悉遵古禮識者韙之丙戌挑選二等借補朔州訓導甫抵任卽與諸生徒約五日一會明倫堂先考其行事次學識又次文藝擇其中之殊尤者日日訓之示以程式其貧窶而力學者每賜恤之俾得專心於學恒典衣爲諸生備食有諫以耗費不貲者勿恤也行之一二年士風丕變其所成就如朔州閻公安寅等七八人鄰邑如興縣康公霖鈞等十餘人先後俱登賢書公之教也甲辰選授江蘇蘇州府崑山

縣知縣邑賦重訟繁素稱難治下車後將前任所遺案牘剖決立盡不日月夙弊頓清善政畢舉邑額漕米七萬石有奇自丞倅吏役及士民之豪猾者莫不垂涎射利公洞悉其弊於是律已以廉息浮費禁浮收嚴科條百方訓化使錙銖無從隱弊包棍胥吏無所容奸尤加意貧民凡向之攜瓦斗米朝入暮出歷數日乞憐而不得納者悉隨到而隨收之於是頌聲大作輸將恐後十餘日而漕政告竣邑之父老謂數十年來無如是之捷者各上

沁州復續志

卷二

人物

星

憲聞而異之遂札示他邑使咸以崑山爲法且致書嘉獎慰勞甚至邑有玉山書院公加意整飭敦延名宿爲山長給膏火厚獎賞時親詣爲諸生講論同爲學博時邑人士咸樂從之每至坐不能容御胥吏極嚴至臨民折獄一以誠信爲本不忍輕於用刑而研鞫之下情無或遁邑與新陽同城新邑民某糾衆抗租肆然拒捕差役至竟執而撻之新令將申諸大憲公曰如此則大案興矣與新令善商之檄崑役二人往諭之使來至則其人相謂

曰此老縣太爺差役也必不使我輩吃苦遂相率聽命公重懲某而理論之衆皆懾服事乃得解丙午戊申兩充江南同考官所取皆知名士如解元季純大等二十餘人已酉調署常熟縣拜印之明日廉得衙蠹之爲民害者斥革殆盡奸商流棍又及武斷之士夫皆重懲之邑多貴族公嘉予其賢者以示獎勵餘則一繩以法其他絕苞苴嚴漕弊種種善政不可枚舉公以年踰七旬累請致仕上憲每慰留之辛亥四月乃得解組廵道汪稼門先生以詩贈別且札致曰江東少一賢宰志伊去一賢友矣於是爭以詩獻集成

沁州復續志

卷二

人物

聖

卷帙題其編首曰召父杜母啟行時行李蕭然無異前之去朔州也兩邑士民或奉香跪道或奉觴祝壽呼號而悲咽者百餘里絡繹不絕此服官之大畧也與郡人居不抗不卑六年之久未嘗一入公門州人士尤重之每逢先人誕忌之辰輒涕然泣下公生平爲文純以氣勝古茂磅礪堅卓名貴擬諸前朝大家歸黃爲近肄業晉陽時與杜公注

若馬公象旗康公仲耕弓公培中郭公禮實各實  
相埒意氣亦相若獨是諸公皆聯翩擢高第官顯  
秩各有建樹赫赫在人耳目而公竟以孝廉終前  
後十一上公車九薦而不售然一時名公巨卿咸  
以宗匠推之而先達中之能文章負物望者莫不  
仰望風采資其月旦公自幼博極羣書瞭如指掌  
品定人物每自出己見不拘成說往往爲古人別  
開生面讀書遇忠孝節義之文雜誦不倦否則文  
雖工寓目而已嘗有句云欣參賈董憂時策羞讀

沁州復續志

卷二

人物

四

韓蘇上相書其自况如此嘗教其諸子曰人須立  
定脚根方可做得事成得事我之一生亦祇是脚  
根立得穩耳即此一言生平大概可想也壽八十  
一而終

李松歲字壽堂號牛山性敏慧品端學博總角時即  
有神童之目弱冠遊庠旋食廩餼乾隆壬申 恩  
科中式三十二名舉人大挑一等以知縣用在籍  
候選設帳授徒及催文到州公無心用世以有志  
會試告請就教選授代州儒學學正到任後代郡

年年冬季設粥公主具事粥熟必先嘗然後散之  
隸役不得侵漁窮民賴以存活有民人孟木成遭  
冤獄公訪察明白即求知州王公州判徐公會文  
詳稟得開釋代人以勇於爲義重公歷俸未滿即  
告歸錦旋日自道憲同僚及學中諸生俱以詩聯  
贈公旋里後室中懸掛至不能容是時公年已七  
十矣仍設教於家以孝弟忠信爲本以詞章記誦  
爲末遊其門者多所成就又精醫卜堪輿之術有  
求必應人以是益重公夫仰不愧俯不怍得英才

沁州復續志

卷二 人物

五

而教育之君子之樂也公殆其選與郡人公舉鄉  
飲大賓壽享八十五歲

楊杰 裴紳之 杰字伯偉廩貢生候選訓導嗣改

州同加二級紳之號午橋舉人江南批驗所鹽大  
使楊公幼失恃弱冠遊庠食餼尤工書法事繼母  
以孝聞家貧無資惟以菽水承歡父憂憤成疾公  
投筆而嘆曰大丈夫不能以甘旨奉親貽父母憂  
非人子也乃步行至京師設館授徒月得束脩兼  
以字學獲多金歸以慰父母父疾頓愈裴公選

授江南鹽大使資斧缺乏不能赴任一日謁楊楊知是同鄉一見如故裴言及拮据事楊慨然以三百金贈之二人意氣相投結爲異姓兄弟裴到任後知楊精於會計以書邀至江南薦於富商辦理鹽務能聲遠播裴又以次女妻楊子生員際昌迨楊由南返沁膝下侍養數年父母皆無疾而逝終制後復往江南爾時裴雖宦囊艱澁亦揮霍人也楊得金輒與之不分爾我裴有族弟純之家貧遠投裴知其才可教不惜修金令就傅及返里以冠

沁州復續志

卷二

人物

異

軍遊岸有楊公紹祖者筮仕粵東花縣卒於任所無力歸葬幾乎骨淪異鄉裴傾囊助之始得扶櫬歸由是裴重楊之孝楊服裴之義始追管鮑之風繼結朱陳之好相交益深各忘形迹非僅久敬已也易有之二人同心其利斷金殆裴楊二公之謂歟故並記之

王藍字霽初號清泉世居烏蘇村曾祖鄉耆公丕大品行端方輕財尚義居鄉爲人排難解紛數言立決卽被其呵責者亦怡然佩服祖玉亭公環父樸



園公遇隆王氏自鄉者公以治田起家多蓋藏里人稱貸者負欠至百餘石樸園公悉焚其券母霍氏生公兄弟四人仲叔蚤卒季彭先公五年卒公至性過人事父母孝與弟友愛尤至終其身不忍分爨堂弟安壯未有室公爲營昏及病卒撫其遺孤無異已子公自幼讀書刻苦凡經史莊騷等書皆手鈔成誦爲文清折峭健不喜爲炳炳烺烺之言年甫冠補博士弟子員科歲考屢列前茅戈仙舟陳質齋兩先生尤劇賞之有國士之目卒以文

沁州復續志

卷二 人物

七

不趨時屢躡場屋僅以歲貢終設帳介休三十餘年所成就人材指不勝屈先是沁州有銅鞮書院歷年膏火脩金盡入官吏私囊院宇鞠爲茂草公倡議協同闔學齋長稟請州牧延師主講至於今不廢文昌祠殿宇將傾公與衆紳士共議捐修西南鄉布施皆公親身勸捐得錢千餘緡更宏其制公胸次恢廓慷慨樂施居介時有楊生者冬日過館衣服敝甚公解衣贈之又有申君者旌遊落魄公贈金以資路費其他振人之急憫人之危固不

可更僕數也因此揮霍費財致中歲家貧尤苦持  
氣節不苟屈於人亦不妄取人一錢館介日久介  
人有充河東鹽商者慕公名酌之諸商請公辭館  
往河東主鹽務每年脩金七百兩公赴商居數月  
忽值訟事求公具呈伸理公曰吾豈以七白金遂  
爲人作訟師而捨却吾子孫輩功名路哉即日辭  
歸仍以舌耕度日初公令諸子讀書有親友念公  
貧難自活勸令改業公曰吾先人荒歲出粟賑貧  
不給更貸以終之後乃并富室債券一齊焚却將

沁州復續志

卷二

人物

哭

來遺蔭當在吾子且吾子非甚庸碌安有改業以  
求苟活者二子入泮後送入晉陽書院肄業每年  
由介邑親持館金步詣省垣資其旅費以故嘉慶  
辛未

巡幸五臺公之仲子省山迎

鑾獻册恭應

召試

欽取二等賞給五絲甯綢一匹公顧之而喜曰一書生得  
邀曠典當倍加奮勉以仰答

聖天子嘉惠士林之至意癸酉省山獲選拔

朝考二等授太原縣訓導迎養到署庚辰九月忽作故  
園之想命駕旋里郡守惠公行鄉飲酒禮採輿論  
聘公爲大賓園橋觀者咸嘖嘖嘆以爲克光大典  
云道光己酉公之季子文山亦獲選拔十餘年  
兩次選拔皆出公家公之教也是年公復就養太  
原戊子省山秩滿保薦以知縣用公乃挈眷歸里  
庚寅三月忽以痢疾不起彌留時囑以吾卒後切  
不可隨俗用浮屠誦梵語以希利益違者非吾子

沁州復續志

卷二

人物

男

也言訖而沒距生乾隆庚辰年四月二十八日享  
壽七十一歲公生平於書無所不讀尤精岐黃之  
學診脈立方應手而效旁及卜筮子平堪輿之術  
多有奇驗此特其餘技耳是爲記

王汝礪字泰峯

恩貢生孝友性成童稚時即能盡

事親之道自塾中歸勤勤趨侍父嗜酒醉則扶持  
之否則嬉笑膝下婉勸少飲父執葷多器重之族  
間戶寡丁稀及公當家隨意賑恤不使一人失所  
居近衙署不入公門不談公事挨貢後兩舉鄉飲

大賓晚年與吳衛諸公遊皆一時卓品人以為有  
香山風韻焉公生平事業不可勝舉惟償金一事  
至今嘖嘖人口州南街有大商一處係公時常坐  
憩之所一日號中因購貨南邊買元寶數十枚夜  
與舖夥同觀公亦在焉忽聞叩門聲倉卒啟櫃收  
藏及買貨人起程取寶交付竟缺其一合舖驚惶  
不知誰匿再四思維看寶時並無外人猜疑不定  
久之有一多言舖長向公細述其事並詢知否公  
凝思半晌問所失銀係何分兩舖長確對之公笑

沁州復續志

卷二

人物

五

曰吾與若等戲耳今既說對式樣吾為爾取來旋  
即上街照樣買一寶付之因絕迹不入其門皆以  
為公著羞矣無何年終洒掃庭內點檢零疊物事  
乃於櫃旁竹筐得失銀大家面面相覷深悔孟浪  
蓋竹筐內故紙虛積物入無聲始悟放寶時急遽  
誤墜其內遂於新正初旬備席力請公至取寶償  
還謝過不遑公却坦然但謂爾等果能相信必不  
問我且恐疑及貧賤致生不測吾買還即一槩俱  
了日後須共戒之其他無容芥蒂人由是益頌公

長者爲有體有用之完人矣

王文山字季繡別號又癡道光乙酉授貢家貧舌耕  
養親不能朝夕左右深以爲憾長兄性躁時加訶  
譴惟有順受與仲兄松坪怡怡友愛終身無間言  
歿後數十年鄉里猶稱之不置蓋至性純篤人也  
生平敦尚節義急人患難肄業晉陽書院時有沁  
源任建寅者中煤毒死公爲經紀其喪更乞同學  
釀金助之柩乃得無棄於外有裴氏子年九歲乞  
食於途公收養之且爲授室其人至今已成立而

沁州復續志

卷二 人物

五

有子道光乙未應省試與州人郝孔陽相寓甚遠  
公往訪之云不歸已三日矣時陰雨連綿公旋踪  
跡得之南城外壕渠半身入泥淖中僅存一息  
夫已耽耽環視蓋獨坐城頭命酒擬文悞墜落故  
也公昇歸飲食湯藥晝夜調護凡十餘日乃得蘇  
蘇素多力寓太谷時偶街出街心有數小兒蹶  
旁無他人忽驚馬駕車奔而來公念小兒多且  
抱持不及乃從車後手挽之即止而諸兒得無  
躡太谷人嘗豔稱之書法專學鍾王直入其室館

介時揮翰甚多介人珍之不啻拱璧書喜抄讀如  
尚書毛詩左傳等旁批尾釋紙爲之滿慕理學重  
經濟宗仰王陽明良知之說手寫其書及魏叔子  
全集哀盈數尺子孫今猶珍藏未失其卒也仲兄  
松坪誌墓有日光明磊落不欺暗室武鄉程介山  
先生輓之曰義重山陵太史休言游俠傳文雄班  
馬儒林同悼少微星卽此可推想其梗概矣

郝廷佐字治安號隆熙郡之西林村人幼孝謹殊常  
兒識者知爲遠到器比長膂力過人父使應武童

沁州復續志

卷二

人物

五

試弓馬嫻熟尤善舞刀時公堂兄廷杰因鄉試舞  
刀擅場 撫憲特賞酒肉闔省以刀頭呼之公亦  
善此人因有兄弟刀頭之稱十七歲以冠軍入泮  
嘉慶庚午武鄉試中式榮列前魁次年朝考二等  
以千總用分發本省撫標左營効力值河南滑縣  
告警 撫憲衡奉

命太行防堵公慨然請從與徐溝縣武舉王龍光帶兵  
扼要督守一面防賊潛入逆匪果冒流民求過言  
詞哀懇宛然動人王方疑公已知其詐防益力後

賊顯來攻逼王始服賊平衛撤衛憲嘉公忠勇賞給寶刀插袋雕弓各一狼牙箭六曰非公勇決賊入吾界矣攔車鎮千總缺出委公往署然公雖武人而孝思獨摯委命甫邀適聞父疾卽告歸奉侍醫藥親嘗久之父疾愈仍赴省候補而衛憲卽卸任矣蹉跎六載未得一官後要缺將出而公以慰親故遂告終養而歸後數年母尋卒哀痛迫切幾至滅性及事繼母不啻所生繼母有腹痛疾久不瘥自分無生理公聞天津有捨膏藥者醫此病神效

沁州復續志

卷二

人物

三

公往返千里得而貼之疾若失鄰里欣欣樂道咸以爲孝心所感焉至若途拾遺金訪歸失主修治道路獨出重貲舉凡賑饑救急一切輕財好義之事尤有指不勝屈者晚歲事親尤謹待人愈厚未幾丁父艱繼母亦歿大事屢當哀毀骨立以故享年僅四十六歲卒之夕家人咸聞車馬之聲自門而出或曰此冥司遣鹵簿來迎也至今里人侈談其異者猶嘖嘖焉公一子名藝全郡庠生一女適武邑竇姓幼年守節近蒙

旌表忠節武邑志孫三剛食餽劇列武庠

沁州復續志

卷三

人物

壽



孝義

孝爲百行之原義居五常之次自非聖賢孰能盡其量而無虧然愚夫一念之誠有足以貫金石而泣鬼神者正不妨降格以求也近雖不逮古昔而民彝物則自在天壤我沁素敵根本其於孝義二字畧有眞實處官紳採舉數人榮列旌典亦可以激勵人心振起薄俗復志孝義

吳樹勳庠生大學士文端公曾孫也生而穎慧恪守先型謙謹誠樸孝友性成守身事親不涉宦門習

沁州復續志

卷二

孝義

五

氣父孝廉授曲江令治家嚴肅瑣屑不苟生孤身奉養曲盡眞忱五十年如一日也母張氏貞靜守禮訓子嚴明生左右就養愛敬兼修孺慕依依終身不倦迨父致仕家居貧無婢僕晏眠早起動履需人生先意承志臧獲事皆自爲之衣不解帶者二十餘年後失怙恃哀毀骨立守制三年晨夕哭奠盡哀鄰里感而知孝自幼奉祀極虔衰老時書先人飲食嗜好於冊教子烹調躬親致奠寒暖生熟稍失宜卽飲泣不已故三子皆恪誠將事致佩

優之忱訓課子孫寬嚴並濟誠約家箴時常啟迪  
每三子進膳幼孫侍餐必令孫跪食以習敬後子  
皆遊庠孫一舉孝廉一食餼皆循謹守禮善教之  
力也篤於宗族好周貧乏冠婚喪祭捐助成禮除  
親隣假貸外丐之資以生者尤夥有乞兒病卧古  
廟生知之遣其子送食飲給湯藥者三月乞因以  
愈人服其厚德又善醫術求者識與不識皆盡心  
診治貧則施之藥餌存活無算曰此所以廣吾親  
濟人之德也讀禮時扃戶不出問病者令書病原

沁州復續志

卷二

孝義

五

而示以方皆驗大祥後有長戚患痿須親診不得  
已夜往視之未明而返其情禮兼盡如此家畜騾  
馬各一僕輩難於控馭生呼而囑之則調良可愛  
人以爲生之孝德化及物類焉壽七十有九啟殯  
時送葬百餘人路祭百餘所皆生平沾實惠者則  
生之孝義可知也

楊瑛處士秉性樸誠篤於孝道幼事祖父母卽能先  
意承志代父母溫清二十餘年不倦父歲貢生端  
方廉介庭訓綦嚴瑛委曲承順常得歡心母王氏

早卒遺子女六人惟挾稍長恐以弱息貽父憂乃  
棄館力農督妻勤紡織以撫育弟妹田間思母仰  
天號泣入門即提抱弟妹笑語怡怡恐傷父心也  
迨弟妹婚嫁父已衰老挾朝夕奉養不敢稍違飲  
食起居親身調護諸弟耕讀皆自課之不勞父心  
父沒罄貲營葬不遺餘力鄉里賢之後弟妻議析  
父遺產悉推讓之率二子墾荒於山每起程先謁  
墓痛哭而去歸亦如之雖天寒夜靜不先返室廬  
及衰老家居益虔潔奉祀令節薦饑一如事生忌

沁州復續志

卷二

孝義

七

辰則奠於墓拜畢伏地痛哭諸孫扶勸始歸七十  
衰翁不忘孺慕其孝思純篤可知弟四人出嗣者  
三弟坦卒無後以次子道先繼之不令析產弟坪  
亦先卒姪光先應出嗣以遺產歸之弟墀及妻皆  
早逝所遺子女四人俱幼挾督妻撫育躬爲教養  
代謀婚嫁俱至成立父好濟人挾繼父之志終身  
不忘有遠族貧思鬻妻挾倡捐糧粟得以保全僑  
霍時有同鄉閩姓者病沒無賴徒將揜埋而詭鬻  
其妻子挾乃捐貲覓騎招其族人輿襯並攜其妻

子還鄉其餘贖質捐粟葬無主屍者甚夥晚年以  
書香爲重俾二子晝耕夜讀諸孫就外傳嘗與質  
以供束脩燃薪代燭故其子篤敬守禮孫采芹食  
餼焉居鄉好排難解紛勸善規過鄉里化之久無  
獄訟卒之日猶與諸孫談笑無疾而終人以爲孝  
義之報云

楊愛冬處士其先屢世儒服垂名庠序父苞舌耕度  
日貧而尙義館穀所餘悉贖貧乏止愛冬一子生  
而誠樸篤於孝思幼讀敏悟性工書法父鍾愛之

沁州復續志

卷二

孝義

五

甫成童父遭殘疾難以爲生醫藥之費傾囊不惜  
雖幸無虞終以病廢愛冬維持調護常得歡心乃  
力墾荒田積粟豐養明則負耒墾則執經務爲實  
學不習詞章酬應親友承順父意不致言專贖貧  
濟急出父之志則罄貲不吝故其少以廢疾延年  
至七十餘歲母史氏訓子嚴明禮文不苟愛冬和  
顏聽命弗敢稍違投室後借妻力作度用小康而  
母衰憊多疾舉止需人愛冬常侍床褥湯藥親嘗  
幾器自滌六年之間衣不解帶殫屑之事不假妻

孥衰病之母得享遐齡及母沒哀毀骨立經營喪葬竭貲盡禮朝夕哭奠一如事生族黨賢之胞伯二俱乏嗣愛冬生事葬祭畢殫其忱人以為真猶子焉族人置公田奉始祖祀推愛冬經理祭享之貲因以不匱闔族匾其門曰誼散遺遠凡親族婚葬事輒捐助之父所教授士之寒者資之膏火並恤其家多有采芹食餼者勤劬節儉抱疾而歿里人咸墮淚知孝義焉

趙彥邦郡武生自幼失恃常以不見母面為恨對主

沁州復續志

卷二

孝義

五

輒哭賦性聰穎塾師甚器之家世業農父年衰邁每晨興入寢室侍父盥濯寒暖衣服以時備舉日中所為俱稟命而行自奉儉約粗衣惡食不憚飢寒秋穫後除自用外積以供不時之需父所嗜之物鄉曲不備購買城市風雨無阻鄉鄰有不孝子一日入其室值午餐見彥邦侍父食孩幼捧盤進內外肅然食品鮮潔彥邦父待以客禮延上坐與通款洽彥邦旁立無僂言其人慚愧含淚出門卒以改行彥邦好騎射通武畧以茂才異等補弟子

員念父尙康健冀搏一第邀升斗以養親遂奮志遊太原訪明師弓馬冠叅府營大獲賞鑑父病召之還日夕奉湯藥淹淹數年不離左右父沒厥功名絕世事家居教子務勤儉父母忌辰敬如生前歷三年哭泣不輟父好施予賑濟貧乏婚喪力不給者不論親疎盡力爲之轉貸不望報彥邦繼父志不存吝嗇心素通醫學家藏地道藥以待用恐誤人性命藥金不責償遇病家貧不辭徒行雖夜必往鄉人以青囊秘術額其門寡言笑慎行止盛

沁州復續志

卷二

孝義

李

夏未嘗赤身裸體奴僕有過不輕罵詈恐羞憤以自盡與人無爭忤人以威怒加之卽避去異日備禮謝過人多愧不自容鄉人稱長者終其身未歷訟庭家庭和睦動循禮法含飴弄孫以終天年

龔占南六歲失怙哀毀如成人性誠篤不樂遊戲兒童挑達時獨旁坐以指畫地學書法過村塾聞讀書聲立聽輒移日塾師見數異之訪其家願捐修金收教焉母爲度日艱稍長使習農爲人傭工雨晴無懈有餘貲置薄產母好習勤占南見軋身代

之母遺美食待兒歸占南力饑之必俟母食而後去母筋力日衰占南謀娶急謂媒氏曰娶妻所以奉母也顏色妝奩兩不計必素無失禮之家其女賢淑庶不貽吾母憂自奉儉事母務從厚衰老無可爲娛悅地凡鄰嫗有與母洽者日延之家使朝夕常有嬉笑容母染疾焚香拜禱不靈飲食不下咽母沒絕粒哭之不成聲占南未讀書而至性動人自殯至葬無違禮焉初占南代人耕按券出租地主疑其粟美惡不均占南指其心不與辨嗣後

沁州復續志

卷二 孝義

空

人租占南地一推誠心待之有親老家口甚多獲僅餬口者不責償其教子弟不強以難能有過犯歸咎於己家人因而改悔勝於鞭朴見鄰里不肖子占南故稱其所長聞者雖心喜而愧不自容以故俗成仁里薰沐皆出於不自知死之日少長咸泣焉

王興煥字光明性沈靜躬親稼穡竭力事父甘旨無虧復虔誠抄誦佛經不飲酒不茹葷爲父祈壽後執親喪哀毀幾至滅性既葬居靜室不與人談笑

不食膏粱不通慶弔哭泣三年哀動鄰舍理家政  
一遵先人成法興煥讀書無多而解釋經典爲老  
儒所莫及亡弟遺三子俱幼撫恤備至與人無爭  
惡聲至先以無禮自反凡守禮戒殺放生諸大端  
隨時自盡好周貧乏助人婚喪凶年出菽粟以濟  
人嘗盡所有與之室人交謫弗顧也教子弟不專  
事讀書其無遠志者令業農每秋收穫倍常牧事  
滋蕃人謂食善人之報平生好禱祝一以福人善  
世爲本祈年逐疫課雨占晴無不響應一日從太

沁州復續志

卷二

孝義

三

原歸祁邑紫洪鎮水漫街衢市人驚怖興煥爲誦  
經三日而水患息惜蟲蟻澤及微物至道路間隨  
時施與不問人名亦不告人以名事多莫得而知  
至今稱善門者皆推西庄王氏焉

部礪山字鎮九分府職銜豐於財性豁達不慳吝好  
讀書不屑屑於時藝於漢書春秋三傳古名臣奏  
疏皆能扼其要領但文章違時屢被考黜早歲失  
恃旋又失岫水漿不入口數日杖而後起旣葬結  
廬墓側晝還夜往繼母年未及壯鎮九恐有異志



百計承順務得歡心以故壽至八十餘歲終鎮九  
之世無間言治家寬而有法奴僕嚴執事而每飯  
必親檢點恐有受飢餓者女早寡日爲講列女傳  
等書卒成其志節其主家政事事本得自由然於  
布帛菽粟之細必稟命繼母而後行待人務存寬  
厚遇親族婚喪有不逮者竭力周濟不望報道光  
八九年歲荒旱出歷年家藏雜粟賑貸之不敷用  
更買諸鄰縣以周貧乏郡人以好善樂施額其門  
其他修橋補路布施廟宇之載在碑碣者不可勝

沁州復續志

卷二

孝義

三

數又獨力創建元王村北尚義橋鎮九廉靜寡欲  
不凌人不欺己間暇涉履山水以自娛惡喧囂不  
履城市不入衙署常勸人息訟曰凡訟者責人不  
責己者也如所行者是其理自直何待訟所行者  
非其理先屈何敢訟以故鄉黨化之俗益親睦長  
逝後人猶頌其德於無既云

閻煥字顯章號文山營千總銜生員昌泰子也孝友  
性成三歲喪母賴伯母撫育之性嗜學出口成章  
有餘力依依膝下繼母三皆能委曲承順堂兄早

天顯章日寬解於伯父母前伯父母嘗曰吾姪真猶子也大事可託吾何憂哉及伯父母與生父相繼逝顯章仰天號哭暈絕數次念宗祀爲重乃節哀殯殮皆厚葬之嘗恨不識生母之面每食必奠未幾繼母又歿遺弟妹俱幼顯章與妻撫之教養備至婚嫁以時時有鄰人趙姓遺殘疾子不能言給顯章收養之又有欲鬻其妻女者聞而賙卹賴以保全堂甥毛姓讀書無貲令與子弟同學數年而功名以就其助人婚葬不可勝數教子弟不事

沁州復續志

卷二

孝義

六

姑息自祖至曾孫百餘年未嘗分鬻顯章之力也弟錦議叙守禦所千總二子蘭芳世芳援例入太學諸孫遊庠者二人人以爲皆孝德之所感云

王世魁字薪荷例貢生係蘇山里烏蘇人天性孝友七歲入塾聞講孝弟之章即欣欣有喜色事親溫清定省無少懈父母怒委曲以慰小有過甘受朴責十九歲父歿棺槨衣衾咸遵古禮哀慟不食親隣強勸之乃少啜粥不飲酒不茹葷獨宿於外三年如一日於時母總家政劬勞過度乃以身代之

故廢學妹貧甚常先母意周給豐厚更爲買沃田數十畝輕財好施借貸者踵相接隣里婚喪賴以舉行者不可勝數州人悅其高誼云

田文端山坡人秉性誠樸事親懇摯幼時遇時食方登必買以進每事謹慎不貽父母以頃刻憂及壯因家素貧率昆弟數人躬耕田畝以爲奉養計未幾產業漸豐子嗣繁衍延師課讀次子士彥遂入泮父母得優游頤養數十年父偶病躬親湯藥晝夜禱祝神前衣不解帶者數月而父病始愈後父

沁州復續志

卷二

孝義

奎

母俱年登古稀相繼而逝衣衾棺槨無美不備值誕辰忌辰致祀豐潔在外必速歸其自幼至長之純謹如此鄉里悉賢之

以上俱奉

旨入祠

韓植字立三郡庠生性情誠篤孺慕之心自幼至老未嘗稍遷夫孩提知愛人所共能及長而能不失赤子之心者如公甚鮮矣蓋公常以父母之疾爲憂攻習詩書而外留意岐黃之術父母有疾藥必

親調不假時醫手恐爲所誤由是而醫術遂精者亦大噪然公乃藉醫以廣孝思非假術以博厚利而世之重公者以孝怨公者反以醫矣蓋公推老老及人之意凡有爲父母之疾而來者無論求方取藥莫不立與卽欲延至其家以視脈息度壘數可  
以終日往返亦無不應允非是則不免遲疑非有所要求也恐勞親倚門相望耳郡有大戶家道豐殷人丁孤寡得劇病聞公名遣人相邀公感其誠憐其獨診脈用藥病漸小愈伊乃欲以厚貲誘公

沁州復續志

卷二

孝義

五

使久主於其家公峻拒之人以是疑公謂於富者且如是貧者又何能相求而不知公惟欲久依躋下耳衆人固不諒也非明發不寐有懷二人之謂乎至其事生事死一於禮而不苟更有出人意表者孟縣副榜趙賓與郡庠生王賢修杜培植廩生王燧等作傳作引作詩作曲歌咏其孝蓋德之感人深也子俊升生員秀升廩生俱有父風無忝所生 學憲朱給篤孝可嘉匾以旌其門准爲詳請王圯魁牛侍人王居士之子也幼好書史仁孝性成

年二十時父務耕種染瘟疫醫不能療掘魁泣禱於  
村東淨土庵願以身代父即夢一僧以酒飲之遂  
痊王因長齋數十年奉養彌摯父年七秩足生一  
疽醫云數百蝦蟇可療否則需人肉塗之掘魁云吾  
方爲父祈福可多傷生命耶乃自割股肉大如掌  
煨煉以進不五日而瘡平家人喜出望外地魁曰吾  
父年逾古稀今病雖瘳壽能永乎從此衣不解帶  
晝夜常侍側雖事有至急亦不去父泣曰大福不  
再吾子極孝吾年不永矣果卒王慟不欲生屢尋

沁州復續志

卷二 孝義

七

自盡家人力救之告以毀不滅性乃設位堂中哀  
泣祀奉終身不輟云

駢克欽字仰亭儒士也以讀兼耕前母兄克懋性頗  
嚴急凡有操作克欽必趨助之恒被責唯唯謝過  
不與辨調停母兄之間居然慈親孝子不顯前母  
後子形迹嗣爲村塾童子師認真指引出入恂恂  
儒雅不問而知爲克欽弟子受業一二載類能書  
記爲鄉黨有用材皆其實力教誨之功也守母喪  
不飲酒不茹葷不入私室三年如一日遇誕忌之

辰必詣墓所涕泣如孩提又人所習見者尤工書法見賞於前任穆太尊小試屢列前茅竟未能博一衿子倬生員早歿孫繼天媳以哭夫慟子亦隨逝遂絕後殆豐於德而嗇於遇者乎時人皆悼惜擬之鄧伯道焉

衛子俊字仲賢號秀菴本州端仁里元王村人先業儒後改岐黃好讀書頗稱淹博至性純篤孺慕終身十二歲慈母見背痛不欲生父對之感傷乃暗地泣血不令父知事繼母能得歡心有異母弟三

沁州復續志

卷二

孝義

六

人尚幼胞長兄襁褓出嗣俊力田供養甘旨無虧越數載父亦逝苦塊昏迷哀毀獨至委曲營喪葬貧而盡禮嗣因家口多食指繁費每不給母力主析居俊窺母意難回乃以祖業讓之三弟俾同力奉親半菽不取使妻子另度一人調護於兩間已身三四口屢至危困不使母聞有以祖產宜均勿遺後日之累勸之者曰區區薄業母與弟等尚不敷用安忍再分且吾年幾四十未能竭力奉養使父母常溫飽已屬有愧曷敢復取家貲以重罪久

之母知其詳仍呼令俱回同爨慈愛過於前有族  
叔生員七十三歲老翁元旦題其門聯云孝慈以  
外無他事伯仲之間有令名不幸於光緒五年十  
月二十一日享年五十六而卒繼母哭之慟曰吾  
親子不如也有子女各一俱成立

李萬年後峪人家貧性至孝母手患瘡詢諸醫醫謂  
敷人油可痊萬年遂割股肉煉而敷之忍痛承歡  
不令母知旬日母瘡全愈萬年股亦平復母問之  
以實告母驚曰爲吾殘年令子痛若是耶又數年

沁州復續志

卷二

孝義

堯

母歿殯葬盡禮素與杜某甚睦杜患瘡旋歿萬年  
適病不能往視每詢杜病家人諱之不欲使知杜  
已死也無何亦歿將歛忽甦而呼其子家人駭不  
敢近及告以再生之由眾驚喜交集乃去歛具進  
湯飲之述冥司嘉其孝行合當益壽之語人猶疑  
信相叅更召杜某子諭之曰汝父已斃汝等猶諱  
言耶吾已覩其苦狀矣當速醮祭杜子即諷經超  
度萬年亦平復如常人始深信不疑由是而聲名  
益著年近八旬無疾卒人謂其孝行所感云

王升字允之太學生歲貢生王益之兄也世居郡東  
鄉黑峪溝性孝謹才思敏捷齟齬爲文卽下筆成  
誦清爽宜人父母鍾愛之年十六父經商歇業母  
染疴疾醫治鮮效公自愧曰誦詩文而醫母乏術  
遂棄儒業醫青囊素問探討靡遺而景岳一書尤  
所心得醫母數年母尋健而公亦遂精於此道矣  
父旣家居薄田十餘畝拮据益甚公忽向父母請  
曰家貧親老當爲祿仕見不能以祿奉親竊欲以  
醫養親利不能覓之家鄉竊欲覓於遠方矣於是

沁州復續志

卷二

孝義

七

携薄貲赴介設藥室於城申甫數月技遂顯聲名  
大噪富室患病者爭以車馬相邀貧者不敢輕勞  
詎料公視貧反重有無力而得疾旣步往爲之診  
治又慨然以藥予之常不索值於鄉里之貧者待  
之尤厚每年歲晚務閒里人赴介肩挑貿易者恆  
絡繹不絕公款留信宿毫無厭志人有怪其不向  
店宿者公曰吾鄉多窮人其勢固不得不爾何足  
怪至於捨藥救人輕財好義生平夫類如此然公  
居介實非本心每歲經營數月度所入足自給卽



歸家承顏順志事親尤謹庚戌三月公在家父適  
疾數日遂卒公哀毀骨立殯葬如禮鄉里賢之後  
因祖宅近河夏月恒苦水逼母嘗以爲憂不得已  
挈家東徙荆村村人皆異姓悉以寬厚處之十餘  
年益形親睦丙寅秋杪公在介母鼻忽血出不止  
使人報公急歸調理晝夜服侍衣不解帶者十餘  
日母愈後公深悔遂出隱有棄外別圖之意至冬  
赴介檢藥物整行囊將作旋里計適介地喉瘟流  
行染者輒斃歲將除司鐸李公夫人忽罹此疾數

邀公公以素交厚不忍辭往而視之遂染焉次日  
值元旦遂於新正之二日力疾歸里療治多方十  
無一效延二十餘日遂卒時年四十六公有幼子  
二卒之前一日命弟日後教之讀不能讀則使耕  
蓋不欲其經商也俄又向弟言曰母在堂而我先  
卒此不順之大者也我死汝必以孝服歛我明我  
未終所事也及卒母不忍從仍歛以時服云  
余向舌耕隨城與公交最深知公亦最悉嘗偶至  
其村聞村人道其二事里鄰有二農民家甚貧母

亦俱老與公居相近一日農母忽謂公母曰吾家  
兒皆較前孝順想是汝家兒子所化也聞者以爲  
實然又公抱病歸里時村人朝夕探聽盼望好音  
後忽聞公危急羣情咸懼因於侵晨赴廟潛禱不  
使公知且不期而至者數十人其德被鄉族又如  
此而乃享年不永中壽而沒豈非命乎豈非命乎

